

آبونه شرائطی

ممالک عثمانیه سوله کی (۶۵)، الق
آیلو (۳۵) غروشد.

ممالک اجنبیه سوله کی (۱۷)، الق
آیلو (۹) فرانقدر.

اراره خانه

باب عالی جاده سنده دائره خصیصه

اخطارات

آبونه بدلی بشندر.

§

سوله . وافی آثار مع الممنونیه قبول
اولنور . دوج ایدل بن یازیلر اعاده
اولونماز .

الشرایط

۱۳۳۰

دینی، فلسفی، علمی، ادبی، سیاسی هفته لقی مجموعه اسلامی در.

اخطارات

رساله مزین آلدینی کو سترملک شرطیه
بشون یازیلر هر هانکی بر غزیه طرفان
قزاس اولونه ییلیر.

§

مکنوبلرک، امضالک واضح و اقوناقالی
اولسی و آبونه صره نوموس محتوی
بولونمسی لازمدر.

§

ممالک اجنبیه ایچون آبونه اولانلرک
آدرس لریک فرانسزجه ده یازلسی دجا
اولنور.

§

بارده کو ندرلدیکی، ان نه یه د ثرا ولدیفنک
واضعا ییلدیرلسی دجا اولنور.

والله یمهدی من یشاء الی صراط مستقیم

صاحب و مدیر مسئول: ح. اشرف ادیب

اتبعون اهدکم سبیل الرشاد

مکتبلمز دینسز ، وطنسز کیمسزلر یتشدیره جکسه

ملک جاهل قالمسی دها خیرلی در

طرسوس جریده سی « اک بووک برحق اجتماعیمز » عنوانیه یازدینی برباش مقاله سنده ملکتمزده کی مجهر کمز لکی موضوع بحث اید یور. بالخاصه انتظام پرورلک ، وظیفه شناسلق ، ملیت پرورلک ؛ فکر تعقیب ، امل ، ملی ودینی دیلهک (ایده آل) تفکر کبی ملکات فاضله نک خاقمزده ، مأمورلرمزده حتی ایلرو کلنلرمزده ، علمسامزده بیله هنوز تأسس ایدمه مسندن شکایت اید یور. حالاده بوخصوصه اهمیت ویریلهمه مسندن مکتبلمزده بوکی ملکات فاضله و ملیه نک اویانهمه سنه چالیشیله همه مسندن بحث اید یور ونهایت دیورکه :

« تحصیل ، اوقومق ، یازمق .. ایکنجی درجه ده قایلر . بومملکتک بوتون بوتون جاهل ، هیچ اولمازسه کور کورینه مملکتی سه ونلردن مرکب اولسی ، آرزوق اوقومه ، یازمه بیلیر ، فقط متصاف ، وطنسز ، دینسز کیمسزلردن متشکل اولسنه هر حالده بیک کره مرجعدر . ایشته مع التأسف مکتبلمز بوئمره یی تماماً ویرهمه یور. مکتبدن یکی چیقان بر افندی باقکمزسز ، ازبرجی اولیور ، یاخورد آرز بیلیر ، فقط مملکت ایچون مضر بر عنصر اوله رق نشئت اید یور. چونکه یا وظیفه سنی تقدیر ایدمه یمن ، برمعلمکی ازبرجیلک تاقی ایدن معلمینک دست استبدادنده عمر چورودیور : یاخود یایدیغندن نه نتیجه چیقه جفنی آکلایان قرارسز معلملرک زهرناک سوزرلیله تسمم اید یور ... » بوخصوصی بعض مشاهدات ومثاللر ایله ایضاح ایتدکن صوکر ا دیورکه :

« کندی مکتبلمزندن برنده طلبه وطالباته جناب مسیحک ابن اللهافندن ، حضرت مریمک ام اللهافندن ، خرستیانلغک اسلامیتی کولکده برافدیغندن بحث اولیور . هنوز یدی یاشنه وارامیان اطفال اسلامیه ژمویترک میسیونرلرک اجرا ایدمه جکاری برحسارته تربیه خرستیانیه ایله ذهنلری دولدریل یور . بز بونلری شود ایله ، وثائق ایله اثباته حاضرر . بز بویولسز لقلردن علاقه دارلرته بحث ایتدک . فقط الدیغمز جواب « آمان کیمسه دویه سین » دن عبارت اولدی . »

طین رفیقمز دن بر سؤال :

دوقور دوزی نک تاریخ اسلامیتی کبی مسلمانلق عامهنده اک شنیع بهتانلره مالی اولان رذیل براتری اسانمز ستایشلره ، تقدیرلره نقل و ترجمه ایدن بر اسلام دشمنی حقنده طنین رفیقمز ره قلام یابارکن : « غربک اک مهم آثار علمیه و بدایع ادبیهمسندن برخیلسنی - لسانمه ترجمه ایتک همتمده بولونمش اولان برادرمز دیسور . عجبا مذکور هذیانهمه ده بو « اک مهم آثار علمیه و بدایع ادبیهم » میاننده داخلیمی در ؟

شیرین

دار الخلافه :

جماعات اسلامیه تشکیلاتی . - اوقاف محلیه یی اصلاح وتنظیم ایله احتیاجات امته کورهداره وتمشیت ایتک واموال ایتامک محافظه وتیمه سنه

نظارت ومسلمانلرک وظائف دینه وتربیه مدینه وشرايط اجتماعیه لرخی تأمین ایدمه جک اسبابه توسل ایتک ، بالخاصه بین الاسلام معارفک نشر وتعمیمنه چالیشق اوزره هر قضاذه برر جماعات اسلامیه هیئتی تشکیله دأر برماده قانونیه ، برده نظامنامه تنظیم ایدملکده اولدینی ، یقینده اکال ایدیلرک مجلس وکلایه تقدیم ایدیلرجه کی خبر آلمشدر .

حجاز دمر برنلک ارفاف نظارتنه دوری . - مشروطیتدن اون کاتب ثانی عزت پاشانک ریاستی آلتنده کی بر قومیسسیونه تابع اولان حجاز دمر یولی اداره سی مشروطیتدن صوکره بویله فوق القانون بر قومیسسیون اداره سی آلتنده بولنه میه جفتدن بر آراتق نافعیه ، صوکرده حربه نظارتنه ویرلمشدی . خط ، ممالک عثمانیه نک اوزونلق اعتباریله الیوم اک بووک خطلرندن بری اولدینی کبی بالطبع اداره سی ده اک کوچ اولانیدر . هر نه قدر خطک مدیریت عمومیه حالنده بر اداره مرکزیه سی موجود ایدمه بوتون بوکشمکشلردن بک زیاده متأثر اولمش ، اداره سی اهمیتیه متناسب برانظامه مظهر اوله مامشدی . بومیانده خطک انشاسی متصور بر جوق مهم شعبه لری ده انشا ایدیلهمه مش ، هر تبدل هر یکی بر وره یی چورومتشدر . ایشته بالخاصه ، خطک هرشیدن زیاده هان کاملاً اعانات مسالمن ایله وجوده کلش بر مؤسسه اسلامیه اولدینی نظر دفته آلتنمق خطک اداره سی بودفعه صورت قطعیه ده اوقاف نظارتنه ویرلمشدر .

مجامع دونا نما اعلاسی افری . - ایفای فریضه حج شریف ایچون حجازه شمسندوفرله عزیمت ایدمه جک اولان حجاجدن بهر بیلت باشنه دونا نما اعانه سی اوله رق برر مجیدیه اخذ ایدلسی حقنده دونا نما جمعیتجه برماده قانونیه یه لزوم کوسترلیدیکی خبر آلمشدر .

حجاز :

حقیقی مسلمانلرک افکار نجیبانه لری . - مدینه منوره دن « شکب ارسلان » امضاسیله « الشعب » غزته سنه یازیلان مکتوبده دینلیورکه : « صاف ، خالص بر عربک هیچ بروقت حکومت عثمانیه علیه حرکتسه بولنق ، بک دیکرینه قارده ش دیمک اولان تورک ایله عربک آراسنه تفرقه صوفق کبی بر جنایت خاطرندن بیله کچمز . بویله یابانلر وارسه ، آکلر مطلقاً مملکتمزک انقاضی اوزرنده یورد قورمق آرزو ایدن دشمنلرمزک تسویلاتنه آلت اولان غافلدر . جزیره العربک امراسی مثلاً طویلانیده بوخصوصه اتفاق ایدرلره ، بیلمه ایدرکه اوخصوص مطلقاً خلافت اسلامیه یی حائر اولان دولت عثمانیه نک تأیید وتقویه سنه ، جزیره العربیه ، حرمین جهتلرته اجانب طرفندن ادخال ممکن اولان دسائسک ابطالنه معطوفدر . بزم بیله یکمزه کوره امرای عربک باشقه بر دوشونجه لری یوقدر . عثمانلی عرب کنجیلردن برقاچینک بعض آوروپا شهرلرنده کی اجتماعلری امرای عربجه قطعاً بکنیلهمه مش ؛ دولت علیه نک ، اسلامیتک دهشتلی صارصیلدینی برزمانده ، بوکنجیلرک اوتنده بروده اجانب حضورنده امت عربیه نامنه اوله رق شق شفه ایتله رنه هیچ کیمسه طرفندن مساعده ایدیلماشدر . آوروپا شهرلرنده عربک نامنه اجرا ایدیان بوحرکتلر ، جزیره نک اصل عربلری طرفندن اسفلر ایله قارشولانمشدر . حتی بوخصوص ایچون مکمه مکرمه ده وقوعه کلن بر اجتماعه بوحرکانک متجاسرلری لوم وتقییح اولمش ، بونلره قولاق آسان حکومت مأمورلرینه ده تأسفلر ایدیلشیدی . آرتق عربلق نامنه یاپیلان اوقباحتی اونوقت ، « اصلاح » نامیه اورتابه سورولن بووک کناه ایچونده اعتذار ایتک لازمدر ... »

آمریقالی ویلیام هادریک اعطا ایله دیکی معلوماته نظراً، ضرب اردو لری
چکن بش آی ظرفنده آناوودلقده یوزدن زیاده کوی تخریب، اون
ایکی بیک خانه احراق، بیکلرجه قادین، چو جق قتل وتلف ایله مشلردر.
بو زوالی انسانلرک بر قسمی احراق ایدلک صورتیه مدهش بر اثر
وحشت کوسریلشدر. موسم شتاده یوز بیکدن فضله انسان مسکن
وماواسز قالمشدر. بو زوالی وظلمیده خلقک قسم اعظمی ایلبصان،
تیران واشقودریه مهاجرت ایدهرک جانلری قورتاره بیللمشدر.
بلغارستان:

میراً نصر ایشیدریلر بومامه مسلمانی — بوماق مسلمانلر ایچون
چینه قضاسنده تحقیقات اجرا سنه مأمور بر هیئت تحقیقیه بولغار
حکومتی طرفندن جنرال پوپوف، فلیه لینه رال بوزوسی رئیس ده نوماق،
صوبانیه اعضای اسلامی سندن آووقات حافظ صدق افندی تعیین
ایدیش و حرکت امری آلمشدر. بناءً علیه بولغارستان حکو-
متی طرفندن، دین اصلیلری اولان اسلامیته عودتلیرینه برمانع اولمادی
رسماً بیان اولونان بوماقلم مسئله سی ان شاء یقینه بر وجه مطلوب
حل اولنور.

طرابلس:

کفار اردو لری قارشی آفریقاده کی اسلام قارداشلرک مجاهداتی —
الشعب غزته سندن مقتبدر: خصوصی، فقط موثوق خبرلردن کلاشلدیفته
کوره «بنی غازی» «جبل اخضر» طرفلرنده وقوعه کلن جهادک تفصیلاتی
شویله در: استاذ اکبر سید احمد الشریف السنوسی حضرتلری سلوم، دفته
طرفلرنده کی مجاهدین کرامی زیارت مقصدیه سلوم طرفلرینه کیده جک
اولشدی. اشته بوضره لرده ایتالیا لارک فرصتدن بالاستفاده «رافع»
«زاویه بیضا» طرفلرینه هجوم ایشیدلری ایشیدلدی. شیخ سنوسی
حضرتلری بو خبری ایشیدیر ایشیتمز قرارندن واز کچهرک اخوان
کرامیه هان حرب وضعیتنی آلا بیز، قوماندانی بالذات شیخ سنوسی
حضرتلری درعهده ایشیدلردی. آرتق مجاهدین سوبینوردی. اولومی،
شهادتی جانلرینه منت بیلهرک ایلمولمکه باشلادیلر. دشمن قاچمغه وقت
بولامدن قارشولرنده آرسلان مجاهدلری کوردیلر. قانی محاربه لر
باشلادی، مجاهدلرک فداکارلغنه حد وحساب یوق ایدی. کویا جنتی
کوربورمش، کویا بدر، احد مجاهدلرندن امداد آلیورلرمش کی
تولومه آتینیورلردی. دشمن دیکش طوتدیره میه جنتی آکلادی،
بوزغون بر صورتده قاچمغه باشلادی. محاربه یرنده بکر میسی ضابط
اولق اوزره بیک ایکویوز قرق سکز قدر مقتول براقشیدی. ارزاق
یوکللی التمش دوه، اونوز قاتیر، ایکی بویوک طوب، بیک تفنگ و سائر
بر چوق مهمات ده مجاهدین طرفندن اغتنام ایدیلدی. ذی القعدة ک
۱۵ و ۱۶ نجی کونلرنده کی محاربه ده دوقوزی ضابط اولق اوزره سکسان
دوقوز عسکر ایله ایتالیان خدمتنده بولنان بشیوز قدر بدوینک جانلری
جهنمه کوندریلدی.

شکیب آرسلان بک افندی طرفندن یازیلان بومکتوبک اوراده جزیان
ایدن احواله ندرجه یه قدر ترجان اولوب اولمادیغنی تمامیه کسدره میوز.
فقط عالم اسلامک یوره کی مثابه سنده اولان جزیره العرب امراسنک،
دوغزودن دوغریه بویوک بالارینک و بیخبرمیزک لسانی اوزره منزل
قانون شریعته مخالف تفرقلره میدان و یرمه جک لرینه البت مطمئن
اوله بیلیر.

یانیه:

یونانیه مظالمی. — آلمان معلوماته کوره یانیسه ده یونان ظلملری
مصالحه نک احکامنه رغماً بک شیع بر صورتده دوام ایتمکده در. بش
آلی بیک اسلامدن هنوز هجرت ایدمین بر آوج دینداشلرمن هرکون
مقدسات دینه و ملیهلرینه بر صورتله تجاوز ایدلدیکنی کوریورلر.
یونان حکومتی، عقد اولنان مصالحه ایله مبانی دینه یی، مقابر اسلامییه یی
محافظه ایده جکنی تمهد ایتمشکن، هرکون بر وسیله ایله جوامع شریفه یی
ضبط ایتمکده بردوامدر. مثلاً آنحق اون سنه لک صوک درجه لطیف
«یکی جامع» میری اوتوه ویل استاسیوننه تحه نا، ایدلیدی کی
«فتحه» جامی ده مهمات واجزا دپوسی اتخاذ ایدلشدر. ولی پاشا
جامنک قیو و بخره لری سد ایدیلهرک اسرار انکیز ایتلشدر. مقر اتخاذ
ایدلیدی کی نمازگاه محله سنده کی مزارستان ده توسیع شریقی بهانه سیله
تخریب ایدلشدر. زمان فتحه انشا ایدیلوب ایلک جمعه نمازینک
اوراده ادا ایدلسی حسبیه «نمازگاه» جامی تسمیه و یانیه لیرجه بک
مقدس عبد اولنان معبدک قیو و بخره لری ده کچنلرده مواد غائظه ایله
تلویث ایدلمشدر.

نفوس اسلامی تمامیه محو و یا هجرته مجبور ایتمکده قرار ویرن یونان
حکومتی اصحاب املاکک حقوقنی قطعاً طانمادشدر. اسلام اصحاب
املاک، روم چیققیجیلرک بیک درلو رجار ایله عاطفه و یردکاری
مقداره چار ناچار قناعت ایدیورسده بعضیلری بوندن ده محروم
بولنیورلر. اشته هرکسک اموال و املاکنی یوق بهاسنه صاوب مهاجرت
ایتملرینک سبی بوندن عبارتدر.

مجرمین سیاسییه نک عفوی معاهده احکامندن ایکن سقوطدن بک
چوق اول کویا بر راهی قتل ایتدکاری بهانه سیله توقیف ایدیلوب
زندانه قونان زوالی آلی یدی اسلام حالا قلعه ده کی متعفن بودرو.
ملرده چورومکده در. مفتی افندیکن بوتون مراجعات و شکایاتی استهزا
ایله قارشیلانمشدر. طشره ده ایسه مظالم دها مدهش و دها قورقونجدر.
یانیه حبس خانه لری هب بیچاره فیلات و آیدونات اهالی مسلمه سیله
دولودر... هرکس بومظالمک نتیجه سنی دوشومکله مشغولدر.

آرناوودلنی:

اهل صلیب مظالمی. — «آرانس رویتر» دایلی تلغراف غزته سنه
تبلیغ ایله دیکی بر تلغرافه و اخیراً بوتون آرناوودلنی زیارت ایدن

ان ظفروا م. لم يرقبوا فيهم الا ولادمة وأعدوا بلادهم رومانية
كما كانت منذ ١٢٠٠ سنة

يأبى المسلمون لا يخذلوا عنكم قول مفسدكم وقول بعض الشرقيين ان
هناك مدنية و انسانية واصلاحا وفلاحا فالسئلة كلها مسئلة اعم كثر عددها
وضاقت اراضيها عليها فهي تريد ان تستولى على بلاد المسلمين لتجعلها
معاشا لها وتردها ملكا لها كما كانت قبل الفتح الاسلامى وهى لاجل
هذه الغاية تقاوم الاسلام بكل الوسائل وتسعى فى اذلاله

يا ايها المسلمون من شاء منكم ان يجاهد مع اخوانه فانه لا يعدم طريقا
ومن كان منكم يستصعب الجهاد بنفسه لن يعجز ان يجاهد بالمال فان الجهاد
يكون بالانفس والاموال وان هؤلاء المجاهدين لا يحتاجون منكم سوى الاعانة
المالية بما يسد قوتهم الضروري انظروا الى اليونان هذالامة الصغيرة
وتأملوا في تطوع افرادها بالحرب الباقية وفي الاعانات التي كانت تجمعها
لحكومتها فيكون هؤلاء الاروام الامة القليلة الفقيرة اعظم هممة من المسلمين.»

هندستان :

هنگام مسلمانان برای جمعیت مذکور قوه فاعله مستند به اسلام نظر فرموده و مذاکره کرد.

هندستانك كراشي شهرندم حل انعقادده بونان هند مسلمانلری جمعیتك قوغره سنده انكتره حكومتك روسلر ايله برلكده اولارق عثمانلیق علیهنده کی سیاست خارجیسی شدتله تنقید اولنیور . انكتره حكومتده بوخصوصده متیقظ بولمسی توصیه اولنیور . هند مسلمانلری ، امپراطوراق طرفدن دیار خلافتده کی مسلمان قارده شلرینه قارشی کیزی و آشكار اولارق اجرا ایدیلن حقسز لفلری هضم ایدهمیه جكارخی سویله یورلر . خطیلردن بعضلری خطبه و نظرلرنده اینجه و سیاسی کلام قوللانمه چالشیور ایسه لرده ، قبلری حیت اسلامییه ايله دولو اولان کنچلر بو خصوصده هیچ بر قید آنتنه کیرمه یه تحمل ایدم یورلر . انكتره حكومتك دوغرودن دوغری یه اسلامیت و عثمانلیق دشمنی اولان روس حكومتی ايله توحید مساعی ایتمسی هند کنچ مسلمانلرینك قناعت قابیه لرینه ، دینلرینه قارشی تحقیر عداید یورلر . بوتون حاضرین طرفدن بوشدتلی نظرلر کال خراتله آلفش لانیور ؛ ملی اسلام غزته لری ده بولتری بویوك حرفلر ايله یازیورلر . خطیلرک جسارت مدنییه ، حیت دینه لری تقدیر اولنیور . اهالی بوکنچ مسلمانلر ایچون دتالر اید یور ؛ بوسورتله ارباب حیتیه اشتراك ایتدکریخی ، دائما برابر بولندقلریخی آکلاقی ایسته یورلر ، دیکدکر .

انکثره حکومتک دیگر دوستلرله برابر شرفده تعقیب ایستدی سیاست
عکس تأثیری اوله رق هندستان مسلمانلرنده حصوله کان هیجان ، کراشی
قونفره سنک سنن سابقه نظرآ دها حرارتلی ، دها جمیتورانه اولسنه سبیت
ویور . حتی قونفره نک رئیس نطق افتتاحیسندیه بیه بوجهی موضوع بحث
ایدیور . قونفره نک دیگر اجتماعلرنده حرارتلی نطقلر سویله نیور . هله جنوبی
آفریقاده کی هندیلرله قارشی روا کوریان مظالم شدتلی برصورنده پروتستو
ایدیلور . رئیس ، هندیلر ایله انکیزلر آراسنده کی باعموم مسائل مختلفیه ناک
حلی ایچون لوندرده اجتماع ایتمک اوزره بولسان مجلسه امنیت ایدیلرله میه جکی
درمیان ایدیلور . دیگر آتشلی ، حرارتلی ، عینی زمانده اهالی اسلامیه آراسنده
مستثنا بر موقع صاحب اولان مشهور برخطیبده ، هند مسلمانلرینی ، برهنلر ایله ،
هانکی مذهبه سالک اولورسه اولسون سائر هندیلر ایله اشتلافه ، اتحاده دعوت
ایدیلور . . مسلمانلر طرفندن اوزادیلان بوصیمی الک ، هندوسلر طرفندن
دوست بروطنداش صقیله قاروشلانه رق کال حرمتله صقیله جغنی سویله یور . .
قونفره اعضا لری بونطقی آلفیشلایورلر . هندستانک بلااستثا بوتون ملی غزتله ری
بوفکری کال حرارتله تروج ایدیلورلر . یونک خلافتده اوله رق اوتده بروده
ایشه عقلی ایرمه یین ، یاخود انکیز منابعندن الهام آلان کیمسه لر طرفندن
سویله ن سوزلر شدتله رد اولنور ...

رافع طرفلارنده کی محاربه پک شدتلی اولمشدر ، مجاهدین یالین قلیج
 هجوم ایدره رک دشمنک حرب صفاری ایچنه ، مترساری داخلنه کیره رک
 بوغاز بوغازم کلشدر . مترساری داخلنده اوله رق ئولو مدن قور تواجی
 امید ایدن دشمنلر برر برر بوغازلامشدر ، شهادتک نهدیمک اولدیغی
 آکلایانلار ایچون بومنظره پک بویوک بر درس عبرت تشکیل ایده جک
 برماهیتده ایدی . بومنظره اسلامیتک قوتلی - ایمانندن خبری اولمایانلرک
 کورهمیه جکی قدر یوکسک ایدی . .

« حینیہ » طرفلرندہ کی محاربہ دہ پک شدتلی اولمش ، دشمن
 ٹولورلی طویلا یه جق قدر وقت بوله مدن قاجق لزومنی حس ایتشدن .
 ۱۵ ذی الحجہ تاریخیہ وارد اولان خبرلردن آکلاشید یغنه کوره
 شیخ سنوسی حضر تلمینک حضور یه بنی نازیده وقوعه کن محاربہ دہ پک
 قالی اولمش ، کیتله الله ایدیلن اموال غنیمت مجاهدین کرامی سہوندیر مشدر .

مصرلى عزير بلك عودتندن صوكرا بوراده اولكيلره نظر آ پك شدتلى وپك قانلى محاربهلر وقوعه كلدى . ذاتا صوكرا لى بر چوق عرب قبيلهلرينك ايتاليانلر طرفنى التزام ايتمه لى اورتالنى خيلى قاريشديرمش ، دشمنى عادتا تهلكيه آتيله جق قدر قودورتمشدى . فقط حمد اولسون ، كه شيوخ سنوسى حضرتلرى بالذات قبائل ايچنه دالهرق وعظ ونصيحت ايتدى . اهل اسلامك حيت طمارلر يته باصدى ؛ جهادك مادام الحيات فرض اولديغنى آكلاتدى ؛ تنسده جان واركن دشمنه بويون ايكمه نك جائز اوله ميه جغنى آكلاتدى . بوتون قبائل تكرار جانلانديلر . ايتاليانك دين و ملت دشمنى اولديغنه قناعت كيتيرديلر . ئولو نجه يه قدر ، اقربا وعائله سنندن كيمسه قالمانجه يه قدر دشمنله مجاهداتده بولمق ايچون سوز ويرديلر .

شیعیدی مجاهدینک اداره وقوماندانی دوغروندن دوغریه بالذات
شیخ سنوسی حضرتلرینک اداره وقوماندلری آلتنده بولنیور .
ایتالیان عسکری بولنان هریرک قارشوسنده مجاهدین اخذ موقع ایتمش
بولندیغندن هر درلو حرکاتی ترصد وتعقیب اولنیور .

اداره و قوماندانان بالذات شیخ سنوسی حضرتلری طرفندن
درعهده ایدیله لیدنبری، شمدیه قدر و قوعی کوریلماش بویوک معرکله،
قانی مصادمه لر اولدی. ایتالیانلره بیکلرجه تلفات ویردیرلدی. دشمنک
بوتون خسته خانهلری مجروحلاریله دولودر. یالکیز بووقه لر ائناسنده اغتنام
ایدیلن طوپلرک عددی اللی یی متجاوزدر؛ تفکیک، مهمات حربیه نیک
حد و حسابی یوقدر. ارزاق، ذخیره بوراده کی مجاهدینی اداره
ایدیجک قدر چوقدر. خلاصه بوکون مجاهدین ایتالیانلردن اغتنام
ایستدکاری مهمات حربیه و ارزاق ایله اداره ایدیلورلر.

ایتالیانر همشهریلرندن، آوروپالیردن اوتانیمه ایدیلر قطعاً بورلری چوقدن بیراقش قاقش اولورلدی. ذاتاً ایتالیانلرک بوایشدن آراتق بیقمش، اوصانمش اولدقلرینه دلالت ایددجک برچوق امارلر موجوددر. ایشته بوخبرلری یازان ذات محترمک عموم اهل اسلامه خطاباً یازدیغی خطابدی کندی عباره سیه بروجه زیر عیناً نقل ایدیوروز :

« فَيَا أَيُّهَا الْمَسَامُونَ لَا تَتْرَكُوا أَخْوَانَكُمْ الَّذِينَ شَادُوا لَكُمْ شُرْفًا وَرَفَعُوا لَكُمْ ذِكْرًا وَلَا تَدْعُوا الظَّالِمِينَ يَتَحَكَّمُونَ فِيهِمْ وَيَقْضُونَ عَلَى اسْتِقْلَالِهِمْ لَهُمْ